



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

7. Dies Junii. Oculi vestri etiamsi jaciantur in aliquem, sigantur in
neminem.

urn:nbn:de:hbz:466:1-45477

mos, per ætates plurimas subministravit. Quid non debet hæc ipsa, ubi hæc scribo, urbs Antverpia, Norberti familiæ? Quod non subfuerit Tanchelino tali illi hæreseos portento, uni hoc debet Norbertus. Sed illa familia non modò virtute, & eruditione, sed avito, imò & regio sanguine illustres recenset. Hic inter eminent Robertus è regio Anglorum sanguine prognatus. Scitè ergò Poëta:

Debet Norberto, si est Angla clara Roberto.

7. DIES JUNII.

Oculi vestri etiam si jaciantur in aliquem, figantur in neminem. *S. Augustinus Epist. 109.*

Cautelâ I. **M**ultum differunt, in aliquem oculos obiter jacere, & de ea quæ non decent, oculos figere. Penè perindè est in animæ lethale vulnus infligere. Credes si sequenti maturè expendas. Acroama est Salviani, oculos esse *(a) naturales quosdam animi cuniculos.* Ut enim in obsidione civitatum, quæ naturâ, artificioque munitæ sunt, ducto cuniculo ad castellum, sit restitutus pulveris tormentarii, duciturque in lineam ad prædii fundamentum; neque tamen igne applicito frustatim illa grandia, & miranda, quæ videmus: sed paulatim flamma serpit per apertam viam secuta, & exigui fomitis continuatione innutrita, donec specum latè patentem, & copiosam materiam infusa, in vastum erumpat incendium. Tunc videtur

(a) L. 3. de Provid.

Junius. Subito ignem furere, totum quati, horrido fonitu compleri omnia, subruunt turre, volitare saxa, moles in sublime attolli, quasi telo trifido Poëti Jovis, aut Gigantum immanium conatu, Acroceraunia convellerentur. Ita eximiae formae pulchritudo, per oculos, ut animi cuniculos subiens, si aspectus continuatione, ut igneo fomite, ardor ipsa cupiditatis, intimam in arcem pervenerit, magnum fieri incendium necesse est, fumo, & tenebris compleri mentem, proposita pia convelli, Gratiae propugnaculum everti, ruere muros dissipatae conscientiae, non sine acerba calamitate.

Il. Oculos corporis esse cuniculos animi, docebit nos suo damno, utinam nostro emolu mento, David, princeps dubites purpurâ, an sanctimonia clarior. Hic cum somnio meridiano se mollius recreasset, surrexit è lectulo regio, captare liberio rem auram voluit, deambulavit in solario domus regiae, unde libet in omnem viciniam prospectus fuit, circumegit curiosè oculos, (a) viditque mulierem se levantem ex adverso. O quam acutè hinc Augustinus! (b) Mulier longe, libido propè. Vidit, & subito à formoso illo spectaculo radius, & cum radio fulgur, & in fulgure vibrans amoris ignis, & ex igne ardor interiora depascens, unde illa consecuta sunt, quae cum legimus, vel audimus, legentium est dolor, audientium stupor. Deus bone! Magnus ille Messiae Pater, ille à Deo coronatus, & vaticinio pollens, in cuius pectore, ut in opportuno diversorio S. Spiritus sedem posuerat, unde velut è tripodè loquabatur, ille praeco mirabilis, ac pictor Evangelii futuri, & Ecclesiae olim triumphantis.

Ec 2

Ille

(a) 2. Reg. 11. 2. (b) In Ps. 50.

Ille divinitus amplissimo dominatu potens, tot rebus
donis cumulatus, domus Saulis, & genitum barbarorum
victor, cui ad cumulum humanæ felicitatis
admodum nihil deesse videbatur, uno contuitu frust-
ratus, & abjectus, è libero servus libidinis, è viden-
te cæcus, è Dei amico hostis, ex opulento spoliatus
& miser evasit.

III. Mihi quidem miserandus David jure videtur
tunc dicere potuisse, quod post longè fletu, & ma-
rore plenus cecinit Jeremias. (a) *Oculus meus depredatus est animam meam.* Sed qualem animam
quàm calamitosè depredatus est? Illam animam
felicissimam urbem, Angelorum multis legionibus
cinctam, bonis cælestibus affluentem, omnium vir-
tutum locupletem: in requie opulenta sitam, & con-
scientiæ tranquillitate, plenam divinis Apothecis,
peregrinæ huic mundo merces continebantur, non
ab Indiæ felicibus oris, sed è cælo empyreo peti-
torem devotione præstantem, quotidianis animi do-
nariis, votisque, nobilem; ubi Circi, & curricula per-
fectionis, & multiplicia theatra proposita mundo, An-
gelis, & hominibus ad intuendum, ad mirandum, ad
imitandum. Hanc, inquam, animam, ut civitatem
suis ornamentis gloriosam, unico aspectu oculus de-
predatus est, spolia diripuit, trophea statuit ad per-
petuam ignominiam sanctitatis. Sustulit è mente li-
men, è voluntate religionem, ab animo gratiam,
Vate prophetiam, à Rege consilium, à Dei amico
summi Parentis inexplicabilem illam benevolen-
tiam, & favorem, quo gestiebat prius, & mirifice
gloriabatur. Hem animi humani imbecillitatem, su-

(a) *Thren. 3. 51.*

ra omnium opinionem maximam! Quem unus ra-
cius muliebris venustatis, in oculum curiosum exce-
ptus, sic abripit, agitat, & transversum agit, & è regia
virtutis via deflectit, scelere infami, incomparabili
temeritate, inexplicabili calamitate. Malum est videre
mulierem, pejus alloqui, pessimum tangere. Vis ergò
tibi consultum?

Despice fœmineum cultum, ne respice vultum.

8. DIES JUNII.

Quotiescumque dulci voce mulcetur audi-
tus, ad turpe facinus invitatur aspectus.

Valerian. Cemel. Horril. 6.

Cautela I.

circa au-
ditum.

UT exiguo distant loci spatio
oculi, & aures, sic eidem ex-
ponuntur periculo. Facilis est
transitus ab aspectu ad auditum. Ne malè audias, ca-
ve mala audire. Ut igitur benè audias, neganda est
audientia illis, qui proferunt verba impudentia,
itemque illorum sermonibus, qui detrahare de alio-
rum vita gestiunt, & nominis gloriam imminuere sa-
tagunt. Nihil tamen auditur ut frequentius sic nec
libentius in triviis, in constrictis, in conviviiis, in tugu-
riis pauperum, in palatiis nobilium, in sacrosanctis
quoque templis, in curribus, in navibus, vapulant
omnium aures convitiis, & contumeliis, & calum-
niis. Tanta hujus mali libido mentes hominum in-
vasit; ut etiam qui ab aliis vitiis sunt eximii, in istud
tamen, quasi in extremum diaboli laqueum inci-
dant. Sicuti ad sanos, sanctosque sermones aures o-

Ee 3

portet